



Broj: 01/08-05--4851/19  
Sarajevo, 03.07.2019. godine

Grad Sarajevo  
Gradsko vijeće  
Predsjedavajući Gradskog vijeća

Bosna i Hercegovina-Federacija Bosne i Hercegov.  
Kanton Sarajevo - GRAD SARAJEVO  
GRADSKO VIJEĆE

PRIMLJENO:		10-09-2019	
Org. i del. broj	Prilog	Vrijednost	
01-05-05-905/19		JSP	

**PREDMET:** Inicijativa za izgradnju spomen česme Karlu Ivandiću – upućuje se na nadležno postupanje Komisiji za spomenike Gradskog vijeća

U prilogu se dostavlja Inicijativa za izgradnju spomen česme Karlu Ivandiću, broj 01-GV-02-263-1.1/19 od 26.03.2019. godine, iznesena na sjednici Gradskog vijeća.

Potrebno je, u skladu s Odlukom o spomenicima od značaja za Grad Sarajevo, predmetnu inicijativu uputiti Komisiji za spomenike Gradskog vijeća na nadležno postupanje.

S poštovanjem,



**Prilog:**

- kao u tekstu

**Dostaviti:**

- naslovu
- a/a





Broj: 01-GV-02-263-1.1/19  
Datum, 26.03.2019. godine

Shodno odredbama člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08) i člana 148. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), na 26. sjednici Gradskog vijeća Grada Sarajeva, održanoj 26.03.2019. godine, **gradski vijećnik Samir Fazlić**, ispred Kluba gradskih vijećnika Naša stranka, uputio je **inicijativu**, koja ja u prilogu ovog akta, a kako slijedi.

„Podnosim inicijativu za izgradnju javne česme posvećene Karlu Ivandiću“.

*PREDSJEDAVAJUĆI GRADSKOG VIJEĆA*

*Dr. Igor Gavrić*

Dostaviti:

- Gradonačelniku,
- evidenciji,
- a/a



Politička organizacija građana „Naša stranka“  
KLUB GRADSKIH VIJEĆNIKA NAŠA STRANKA GRAD  
SARAJEVO

Adresa: Branilaca Sarajeva 5/1  
Telefon: 033 408888  
E-mail: nasastranka@nasastranka.ba

Bosna i Hercegovina-Federacija Bosne i Hercegovine  
Kanton Sarajevo - GRAD SARAJEVO

PRIMLJENO		20-02-2019	
Org. jed.	Broj	Priloga	Vrijednost
01-OV-02	203-1/19		JPG

Broj: 4/19  
Datum: 20.2.2019

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Gradsko vijeće grada Sarajeva  
n/r predsjedavajući, dr. Igor Gavrić

**PREDMET: VIJEĆNIČKA INICIJATIVA**

Poštovani,

Na osnovu člana 148 Poslovnika Gradskog vijeća grada Sarajeva kojim se propisuje pravo vijećnika da podnosi inicijative podnosim

**INICIJATIVA ZA IZGRADNJU JAVNE ČESME POSVEĆENE KARLU IVANDIĆU**

**Obrazloženje prijedloga inicijative:**

Od okončanja ratnih dejstava i agresije na naš grad, suborci, građani i prijatelji pokušavaju odati počast omiljenom borcu, sugrađanu, prijatelju i heroju Karlu Ivandiću koji je svoj život dao kako bi mi danas mogli da živimo u miru.

Naime, nikada nije realizovana niti jedna inicijativa, ime Karla Ivandića nikada se nije našlo među herojima, među borcima, među poginulima, a najčešće pod obrazloženjem „nije naš“.

U razgovorima koje smo vodili sa sugrađanima, posebno onima koje su djetinjstvo i ratne dane proveli uz Karla sjećaju ga se kao najbolje osobe koju su upoznali. Život je dao za ovaj grad, bio je omiljena ličnost u društvu, rođen i odrastao na području općine Novi Grad, u naselju Čengić Vila. Anegdote iz mladosti Karla Ivandića još uvijek se pričaju, prenose se kao legenda.

Karlo Ivandić rođen je 1. decembra 1973. godine u Sarajevu. Život je proveo u sadašnjoj ulici Gradačačka, nekada poznatoj kao Palmira Toljatića. Išao je u Osnovnu školu Petar Dokić, današnju Osman Nakaš. Nakon završetka osnovne škole odlazi u Kotor, kako bi nastavio školovanje u Srednjoj pomorskoj školi. Međutim, ubrzo je napušta jer ne može bez Sarajeva i sarajevske raje, te se nakon dvije godine vraća u Sarajevo.

Na početku oružane agresije na Republiku BiH, među prvima se dobrovoljno prijavljuje u Štab Teritorijalne odbrane, koji je bio smješten u istoj Osnovnoj školi koju završio nekoliko godina ranije, te je tim svojim činom podstakao i mnoge druge momke i dječake da se

- pridruže Oružanim snagama RBiH, jer je pokojni Karlo zbog svoje blage naravi, dobre duše i hrabrog srca bio uzor mnogima - ne samo svojim vršnjacima, nego svim istinoljubivim, pravednim i čestitim ljudima u naselju Čengić Vila i van njega.

Početak oružane agresije, Karlova majka i sestra odlaze u izbjeglištvo van Bosne i Hercegovine, dok Karlo ostaje u Sarajevu i aktivno učestvuje u svim borbenim operacijama na sarajevskom ratištu, gdje je pokazao neopisivu vještinu i hrabrost. Zbog tih svojih osobina bio je omiljen među saborcima i komandirima Specijalnih jedinica Armije RBiH.

- Prilikom pada sarajevskog naselja Otes 4. decembra 1992. Godine, Karlo je smrtno pogođen metkom u glavu kada treći put vraćao po granatu za RPG, kojim je tog dana u borbama pogodio i uništio po jedan tenk i transporter. Nažalost, njegova i hrabrost njegovih saboraca nije bila dovoljna da se neprijatelj zaustavi i naselje sačuva, ali je njihova herojska borba omogućila mnogobrojnim civilima da naspuste Otes i povuku se prema gradu. Sahranjen je na Groblju „Lav“.

Značaj jedne ovakve inicijative je za sugrađane ogroman jer Karlo još uvijek živi među svojim komšijama, još uvijek je primjer kako se, ne samo bori za svoju državu i grad, nego kako se bori u životu.

Sjećanje na Karla ne smije da blijedi, posebno među mlađim sugrađanima kojima bi trebao biti primjer, zato pokrećemo inicijativu da heroj te veličine dobije nešto što mu po prirodi pripada. Naime, javnih česmi u našoj općini itekako fali, posebno na šetalištima koja su prometna, a kao predložene lokacije izdvojili bismo šetalište na Čengić Vili kod Bulevara Meše Selimovića, prema Energopetrol benzinskoj pumpi, gdje se račvaju dva šetalište, jedan koji ide s prednje strane pumpe, i jedan sa stražnje strane. Druga lokacija bi bila odmah pored Mosta Kongresmena McCloskey.

Ovim gestom Grad i gradske vlasti napokon bi odale počast našem komšiji i heroju, radili bi na ujedinjavanju svih građana, Sarajevo je oduvijek multikulturalan grad, a vrijeme je da to i pokažemo.

Na javnoj česmi trebalo bi biti istaknuto ime Karlo Ivandić, a ispod imena da piše „Kap moje krvi poteče i Bosna ne presuši“.

U pripremanju ove inicijative učestvovali su stanovnici naselja Čengić Vila, navijači FK Sarajevo, kojeg je Karlo volio i bodrio na svakoj utakmici, prijatelji, porodica, maloljetni borci, ratni drugovi i poznanici. Svi oni bi rado učestvovali u otvorenju spomenika u obliku javne česme.


S poštovanjem,


---

Samir Fazlić

**Klub Gradskih vijećnika Naše stranke**

## Prvi prijedlog za lokaciju javne česme





## Drugi prijedlog za lokaciju javne česme

